A2r

Prologus oder VorRed. GLuck vnd beståndig Einigkeit/ Sampt Heil vnd Wolfahrt allezeit/ Wunschen wir Euch allen zuvorn: Durchleuchtig' Hoch vñ Wolgeborn'/ ftrenge/ Edle von Geschlecht/ Ehrnveste Frome/ Weise recht/ ehrsame Bürger gute freund/ Auch frembde Gåft die allhie feind/ frawen vnd Jungfrawen deßgleich/ Keuſch/ 3uchtig/ From vnd Tugendreich. GAntz löblichen haben die Alten/ Von vielen Jahren her behalten die gut vnd schone gewonheit Jn jhren Schulen allezeit: das sie neben den kunsten frey/ Vnd vbungen fo mancherley/ ich schöne sprachen an dem ort/ Bey jhrer Jugend pflant3ten fort: als dann die drey vornembsten sein/ Hebreisch/ Griechisch vnd Latein. Welcher schön vnd herrlich gebrauch Jn vnſrer Schul ſich findet auch/ Darinn mit hochstem ruhm vnd preiß Vnd nicht geringerm ernst vnd fleiß/ Neben andern vbungen viel / Auch trostreiche Comædi spiel Griechisch vnd in Latein fürwar Gehalten werden alle Jahr: Αij Das

A2^v

Das nunmehr jhr lob vnder allen/ Jn gantzem Teutschland ist erschallen: Wie wir dann newlich auff dem plan/ Jn Latein eines agirt han/ Vom Propheten ELJA eben/ Vnd seinem wandel/ thun vnd leben. Jetzund folgt ein anders hernach/ Beschrieben in Griechischer sprach/ Von dem Ariftophane gut/ Den sein kunst so hoch ruhmen thut/ Das der Heylig Chrisoftomus Fein offentlich bezeugen muß/ Das er sein groffe lieblichkeit 3u Reden/jhm hab zubereit Auß diesem Poeten allein/ Vnd den kunstlichen Fabeln sein. Auß denselben haben wir nun Eine (ſag ich) erwöhlen thun/ Welche zum fall durch g'schenck vnd list/ Dem Socrati gedichtet ist/ Der ein gar sehr weiser Griech war/ Auffrecht/ Redlich/ From vnd Erbar: Drumb er zu Athen in der Statt Auch viel bose mißgonner hatt Welche diesen Poeten haben/ Angestifft durch geschenck vnd gaben/ Das er anstellte diß gedicht/ Welches also ist zugericht/ Als wann der trew Socrates fein Newe Götter wolt führen ein/

Vnd

A3^r

Vnd der gemeinen Götter (potten/ Das doch bey Leibstraff war verbotten: Darnach das er nur lehr allzeit/ Wie man betriegen foll die Leut/ dieses ob es schon falsch ist alls Brachs doch dem frommen Man den hals. Wie aber folchs angestelt sey/ Das will ich kurtz erzehlen frey. EJn Baur ſaß in dem Griechenland Mit Nam Strepliades genand/ der hat ein vngerahtnen Sohn/ Der mit pracht ihm alles verthon/ vnd dazu viel schulden gemacht/ Die seinen Vatter tag vnd nacht fagten/ das er nicht wuft wohin/ Letztlich fiel jhm doch in den ſin/ wolte seinen Sohn auch nun 3um Socrati in die Schul thun das bey jhm auch lerne liegen/ Vnd die schuldner mit list betriegen. Was geschicht dann? Als nun der Sohn Sich dazu nicht will brauchen lohn: Sondern fåhrt nur auff feim Kopff fort/ Da must der Vatter an dem ort Selbs in d'Schul gehn. Weil er der b'schwerden Dadurch vermeinet loß zu werden 3um Socrates/ der will 3war gern Jhn die kunst lehren/doch so fern feine Götter in gemein Verleugnen will/vnd nur allein A iij Die

A3^v

Die Wolcken Göttlichen verehren: Deß sich der Baur nit lang thnt wehren/ Damit er nur der schulden bald Abkomme. Aber weil er zu Alt Vnd auch viel zuvergessen war/ Das er nichts lehrnte gant vnd gar/ Schickt ihn sein Lehrmeister bald fort. Darauff bringt der Alt an das ort Seinen Sohn / der dann an der stått Also die kunst begreiffen thåt/ Das er mit seinem 3ungen dröschen / Nicht allein die 3inß that außlöschen/ Vnd alle fein schuldner betriegen/ Mit seltzamen schwäncken vnd liegen: Sondern mit der Sophisterey Beredt er fein Vatter fo frey/ Das er jhnen mit fug vnd recht Nach gefallen konn schlagen schlecht. Als nun der Alt Baur sah aldar/ Wie schandlich er betrogen war/ Das er vmb den gewinn allein/ Sich in folch vnglůck g'fteckt hinein/ Vermeint der Baur gantz vnbedacht/ Die Schul hab folchs alles gemacht Drumb ítůrmt er dielelb vngeheur/ Vnd fteckt fie alsbald in das Feur. Wie wir diß alles in gemein/ Jetzt wöllen da agiren fein/ Jch bitt jhr wolt mit andern fachen/ Vns hierinn kein hindernuß machen. **Jnhalt**